

**Zavod zdravstvenog osiguranja
i reosiguranja Federacije
Bosne i Hercegovine
Sarajevo**

Na osnovu člana 104. stav 1. al. 11. i 15. Zakona o zdravstvenom osiguranju ("Službene novine Federacije Bosne i Hercegovine", br. 30/97, 07/02, 70/08, 48/11, 36/18 i 61/22), člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) i člana 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05), a u vezi tačke IX Odluke o utvrđivanju osnovnog paketa zdravstvenih prava („Službene novine Federacije BiH“, broj:21/09), Upravni odbor Zavoda zdravstvenog osiguranja i reosiguranja Federacije Bosne i Hercegovine, na nastavku 148. sjednice održane dana, 27.02.2024. godine, donosi

ODLUKU

**o stavljanju van snage Odluke o obustavi primjene
Odluke o sufinansiranju pruženih zdravstvenih usluga i nabavke lijekova i uspostavljanju
ponovne primjene navedene Odluke o sufinansiranju**

Član 1.

Ovom Odlukom stavlja se van snage Odluka o obustavi primjene Odluke o sufinansiranju pruženih zdravstvenih usluga i nabavke lijekova broj:02/I-01-1-2522/23 od 30.05.2023.godine (u daljem tekstu:Odluka o obustavi primjene Odluke o sufinansiranju) i uspostavlja ponovna primjena Odluke o sufinansiranju pruženih zdravstvenih usluga i nabavke lijekova broj: 02/I-01-1-1572-1/19 od 23.04.2019.godine , broj: 02/I-01-1-4108-1/19 od 26.11.2019.godine, broj: 02/I-01-1-1198-1/20 od 08.04.2020.godine , broj: 02/I-01-1-3472-1/20 od 17.12.2020.godine i broj: 02/I-01-1-2963-1/21 od 29.09.2021.godine (u daljem tekstu:Odluka o sufinansiranju).

Član 2.

Finansijskim planom Zavoda zdravstvenog osiguranja i reosiguranja Federacije BiH, za 2024. godinu planirana su sredstva za sufinansiranje troškova liječenja te se time ponovno omogućava sufinansiranje troškova u smislu Odluke o sufinansiranju i donosi se ova Odluka kojom se, članom 1., stavlja van snage Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.


Član 3.

Zahtjevi podneseni nakon stupanja na snagu Odluke o obustavi primjene Odluke o sufinansiranju, saglasno članu 3. Odluke o obustavi primjene Odluke o sufinansiranju, razmatraće se po ponovnoj uspostavi primjene Odluke o sufinansiranju odnosno po stupanju na snagu ove Odluke.

Član 4.

Ova Odluka stupa na snagu danom donošenja.

Broj:02/I-01-1-913/24
Sarajevo, 27.02.2024. godine



Predsjednica U.O.

Snježana Bodnaruk, dipl.iur

Obrazloženje

I-Pravni osnov

Pravni osnov za donošenje ove Odluke sadržan je u odredbi člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) kojim je propisano da se „Općim aktima zavoda zdravstvenog osiguranja utvrđuju kriteriji, način i postupak sufinansiranja prava iz stava (1) ovog člana, kao i najviši procentualni iznos sredstava koji se može opredijeliti za finansiranje ovog prava po pojedinačnom zahtjevu u jednoj kalendarskoj godini”.

Takođe pravni osnov za donošenje ove Odluke sadržan je i u odredbi člana 104. Zakona o zdravstvenom osiguranju te članu 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) kojim je propisano da Upravni odbor Federalnog zavoda odlučuje o određenim pitanjima saglasno svojim nadležnostima te , između ostalog i „raspoređuje sredstva federalne solidarnosti po utvrđenim namjenama " i „donosi druge akte neophodne za poslovanje federalnog fonda solidarnosti" odnosno „vrši i druge poslove za koje je ovlašćen zakonom, podzakonskim, općim i drugim aktima).

II- Razlozi donošenja

Kako je, između ostalog i detaljno navedeno u obrazloženju Odluke o obustavi primjene Odluke o sufinansiranju pruženih zdravstvenih usluga i nabavke lijekova broj:02/I-01-1-2522/23 od 30.05.2023.godine , ista je donesena između ostalog i iz razloga što je došlo do kontinuiranog porasta broja oboljelih i liste čekanja pacijenata za lijekove i zdravstvene usluge koje se finansiraju iz sredstava federalnog fonda solidarnosti, čime se povećavaju i troškovi liječenja za koje Zavod zdravstvenog osiguranja i reosiguranja Federacije Bosne i Hercegovine nije imao dovoljno sredstava te nije postojala i mogućnosti sufinansiranja pruženih zdravstvenih usluga i nabavke lijekova. Takođe je napomenuto i da je da je Federalni zavod u 2022. godini ostvario višak rashoda nad prihodima, a u aprilu 2023. godine Upravno vijeće Zavoda zdravstvenog osiguranja donijelo je Odluku o usvajanju Plana sanacije gubitka Zavoda zdravstvenog osiguranja i reosiguranja Federacije BiH za 2022. godinu te je napomenuto da je donesena i Odluka o usvajanju Plana internih i eksternih mjera za postizanje finansijske održivosti Fonda solidarnosti Federacije Bosne i Hercegovine, a blagovremeno usklađivanje potrošnje sa planiranim sredstvima je jedna od utvrđenih mjera. Kako je navedeno moglo ugroziti i redovno finansiranje troškova pruženih zdravstvenih usluga i nabavke lijekova za prioritete federalne programe zdravstvene zaštite, a koji su u takvoj situaciji, svakakao imali prioritet, radi nemogućnosti pokrivanja troškova koji proizilaze iz prava pacijenata te i nemogućnosti sufinansiranja pruženih zdravstvenih usluga i nabavke lijekova, uzimajući u obzir i iskazani višak rashoda nad prihodima u 2022.godini, a u cilju postizanja finansijske stabilnosti, donesena je Odluka o obustavi primjene Odluke o sufinansiranju pruženih zdravstvenih usluga i nabavke lijekova

Finansijskim planom Zavoda zdravstvenog osiguranja i reosiguranja Federacije BiH, za 2024. godinu planirana su sredstva za sufinansiranje troškova liječenja te se time ponovno omogućava sufinansiranje troškova u smislu Odluke o sufinansiranju i donosi se ova Odluka kojom se, stavlja van snage Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.

III- Obrazloženje pravnih rješenja

U članu 1. Ove Odluke navedeno je da se stavlja se van snage Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju .

U članu 2. Ove Odluke se navodi da su Finansijskim planom Zavoda zdravstvenog osiguranja i reosiguranja Federacije BiH, za 2024. godinu planirana sredstva za sufinansiranje troškova liječenja te da se time ponovno omogućava sufinansiranje troškova u smislu Odluke o sufinansiranju i da se donosi ova Odluka kojom se, članom 1., stavlja van snage Odluka o obustavi primjene Odluke o sufinansiranju i uspostavlja ponovna primjena Odluke o sufinansiranju.

U članu 3. Ove Odluke se navodi da će se Zahtjevi podneseni nakon stupanja na snagu Odluke o obustavi primjene Odluke o sufinansiranju, saglasno članu 3. Odluke o obustavi primjene Odluke o sufinansiranju, razmatrati po ponovnoj uspostavi primjene Odluke o sufinansiranju odnosno po stupanju na snagu ove Odluke.

U članu 4. ove Odluke se navodi da ova Odluka stupa na snagu danom donošenja.